



Den tidlegare landslagskeeperen Reidun Seth er ei av dei som står bak Bergen keeperskole

Laurdag 17. og søndag 18.september kjem Bergen keeperskole til Rosendal med eit interessant tilbod til unge fotballspelarar som tenkjer på å satsa på keeperplassen på laget sitt. Laurdagen er det trening for dei yngste, 5-9 år, medan det om søndagen vert keeperskule for dei mellom 10 og 17 år.

Bakgrunnen for at Bergen keeperskole vart starta i 2005, var at dei som står bak tiltaket, såg at keepertrening i klubbane generelt var dårleg ivaretatt for aldersgruppa 10-17 år. Dei fleste keeperane i denne alderen var overlatne til seg sjølv – og kanskje ein ivrig hjelpetreinar/foreldre. Då dei starta tiltaket, valde dei å stå utanfor ein bestemt klubb slik at alle kunne gjera seg nytta av tilbodet. Bergen keeperskole har tidlegare år hatt vellukka helgesamlingar i Rosendal.

Blant dei som står bak tiltaket er tidlegare landslagskeeper Reidun Seth. Ho har litt av ei merittliste. Ho har 71 landskampar og kan visa til VM-Gull i 1995, sølv i VM 1991. Europameister 1993, sølv 1991. Bronse i OL i 1996. Ho spela mange sesongar i Sverige og spela også for fleire Bergensklubbar m.a. Arna-Bjørnar der ho også var keepertreinar seinare. Ho har med seg dyktige instruktørar, og mange lovande målmenn har fått trening og tips gjennom Bergen Keeperskole. Stefan Hagerup i Sogndal, Øystein Øvretveit, Nest Sotra og tidlegare Brann, Jørgen Mohus, tidl. Brann og Nora Gjøen, Lillestrøm og landslaget for å nemna nokre.

Det er eit flott tilbod at vi kan få slike toppinstruktørar ut i distrikta. Dei har nok mange gode treningstips både til gutar og jenter. Påmelding kan gjerast til Bergen keeperskole, info@bergenkeeperskole.no eller Arvid Nes, arv-ne@online.no, mobil 482 28 026. Medlemmer i Rosendal TL får reduserte prisar.

Tekst og nett: Thor Inge Døssland